



REPUBLIKA E SHQIPËRISË

BASHKIA FINIQ

Nr. 1768/11 prot.

Finiq, më 20 / 05 / 2026

PROGRAMI I TRANSPARENCËS

HYRJE

Në përputhje me nenin 7 të Ligjit Nr.119/2014 “Për të Drejtën e Informimit” është përgatitur programi i transparencës për Bashkinë Finiq. Ky program përcakton kornizën ligjore të veprimtarisë së autoritetit, në kuadër të Ligjit Nr.119/2014 “Për të Drejtën e Informimit” (LDI).

Ky program vlerësohet si një mënyrë konkrete përmes së cilës Autoriteti Publik (këtëj e tutje AP) ndërton dhe rrit transparencën në punën e tij institucionale, nën garancinë e LDI-së. AP-ja do të përditësojë herë pas here Programin e Transparencës, në përputhje me pikën 2 të nenit 5 të LDI-së. Informacioni i bërë publik në këtë program, synon të bëjë transparencën e veprimtarisë së punës së AP-së, nëpërmjet pasqyrit të detajuar të tij në faqen zyrtare www.bfiniq.gov.al, si dhe në mjediset e pritjes së publikut. Programi i transparencës pasqyrohet në rubrika, tekste/përmbajtje, afat kohor për bërjen publike të tij, mënyrën e bërjes publike si dhe strukturën përkatëse, e cila prodhon ose administron dokumentin. Në përmbajtje të programit të transparencës evidentohet skema e publikimit, e cila pasqyron menutë ku adresohet dokumenti në faqen zyrtare në internet. Përveç kësaj, çdo dokument është i aksesueshëm edhe në skemë. Dokumentacioni i bërë publik, do të jetë i përditësuar në formë e përmbajtje. Faqja zyrtare e AP-së është ndërtuar në atë formë që mundëson informacion për publikun, pa kërkesë, në format lehtësisht të kuptueshëm. Në rubrikat e faqes zyrtare pasqyrohen edhe informacione që karakterizohen nga kufizime të identifikimit të të dhënave personale, për shkak të ruajtjes së privatësisë së individëve/subjekteve, të të dhënave, etj. Skema e publikimit paraqitet nëpërmjet tabelës përmbledhëse të evidentuar në këtë program.

I. PARIME TË PËRGJITHSHME

Parimet kryesore në të cilat mbështetet Programi i Transparencës së AP –së janë:

1. E drejta për informim” është e drejtë kushtetuese e parashikuar në nenin 23 të saj, e aksesueshme nga të gjithë pa asnjë përjashtim.
2. Prezumimi i publikimit maksimal të të dhënave: AP-ja ushtron funksione publike, për rrjedhojë informacioni që rrjedh nga veprimtaria e tij publikohet në përputhje me legjislacionin në fuqi.
3. Zbatimi korrekt i ligjit dhe dispozitave ligjore që rregullojnë në mënyrë të posaçme veprimtarinë e AP-së dhe përkatësisht: Ligji 139/2015 “Për vetëqeverisjen vendore”.

4. Informacioni përshtatet në gjuhë të qartë e të kuptueshme.
5. Organ mbikëqyrës i procedurave të informimit publik është Komisioneri për të Drejtën e Informimit dhe Mbrojtjen e të Dhënave Personale” (këtej e tutje KDIMDP).
6. Rishikimi i programit të transparencës bëhet sipas së njëjtës procedurë, përmes së cilës është bërë miratimi i tij.
7. Informacioni publik pa kërkesë duhet të jetë:
 - i plotë;
 - i saktë;
 - i përditësuar;
 - i thjeshtë në konsultim;
 - i kuptueshëm;
 - lehtësisht i aksesueshëm;
 - i pajtueshëm me dokumentet origjinale në posedim të autoritetit publik.

II. INFORMACIONI QË BËHET PUBLIK, PA KËRKESË

Informacioni i lejuar për publikim është shprehimisht i parashikuar në nenin 7 të Ligjit Nr. 119/2014 “Për të Drejtën e Informimit”.

Në përputhje me këtë program transparence të miratuar, Bashkia Finiq vendos në dispozicion të publikut, në faqen e tij të internetit www.bfiniq.gov.al dhe në mjediset e pritjes së publikut, kategoritë e mëposhtme të informacionit:

- Strukturën organizative të autoritetit publik;
- Tekstet e plota, të konventave që janë ratifikuar, të ligjeve, të akteve nënligjore, të kodeve të sjelljes, dokumente politikash, të manualit ose ndonjë dokument tjetër që ka lidhje me ushtrimin e funksioneve të tij dhe që prek publikun e gjerë;
- Informacion për procedurat që duhen ndjekur për të bërë një kërkesë për informim, adresën postare dhe elektronike për depozitim të kërkesave për informim, si dhe procedurat e ankimit të vendimit përkatës;
- Të dhëna për vendndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit;
- Të dhëna për arsimin, kualifikimet dhe pagat e funksionarëve, të cilët kanë detyrimin për deklarimin e pasurisë, sipas ligjit, strukturat e pagave për nëpunësit e tjerë, si dhe një përshkrim të procedurave të zgjedhjes, kompetencave dhe detyrave të funksionarëve të lartë të autoritetit publik dhe procedurën që ata ndjekin për të marrë vendime;
- Mekanizmat monitorues dhe të kontrollit që veprojnë mbi autoritetin publik, përfshirë planet strategjike të punës, raportet e auditimit nga Kontrolli i Lartë i Shtetit ose subjekte të tjera, si dhe dokumentet që përmbajnë tregues të performancës së autoritetit;
- Të dhëna për buxhetin dhe planin e shpenzimeve për vitin financiar në vijim dhe vitet e kaluara, si dhe çdo raport vjetor për zbatimin e buxhetit. Në ato raste kur autoriteti publik vetëfinancohet nga tarifat e liçencave ose çdo formë tjetër e financimit të drejtpërdrejtë nga subjektet e rregulluara prej tij, bëhen publike edhe dokumentet që tregojnë gjendjen e shlyerjes së detyrimeve nga subjektet e liçencuara;
- Informacion për procedurat e prokurimit apo procedurat konkurruese të koncesionit / partneritetit publik privat, përkatësisht, sipas parashikimeve të ligjit nr.9643 datë 20.12.2006 “Për prokurimin publik” dhe të ligjit nr. 125/2013 “Për koncesionet dhe partneritetin publik privat”, që kryhen për llogari të autoritetit publik, duke përfshirë: listën e kontratave të lidhura, shumën e kontraktuar, palët kontraktuese dhe përshkrimin e shërbimeve apo mallrave të kontraktuara, informacionin për zbatimin dhe monitorimin e kontratave, si dhe udhëzues e politika të ndryshme;
- Informacion për shërbimet që autoriteti i jep publikut, përfshirë standardet për cilësinë e

shërbimit, një përshkrim të kategorive dhe formave të ndihmës shoqërore, subvencioneve të dhëna nga autoriteti publik dhe të procedurave për t'i përfituar ato, informacione dhe dokumente që kërkohen shpesh, çdo informacion tjetër që gjykohet i dobishëm nga autoriteti publik;

- Çdo mekanizëm dhe procedurë për bërjen e kërkesave dhe ankesave, në lidhje me veprimet ose mosveprimet e autoritetit publik, procedura, përmes së cilës personat e interesuar mund të paraqesin mendimet e tyre apo të ndikojnë në çfarëdo mënyre tjetër në hartimin e ligjeve, të politikave publike apo ushtrimin e funksioneve të AP-së, një përshkrim të thjeshtë të sistemit që përdor autoriteti publik për mbajtjen e dokumentacionit, të llojeve, formave të dokumenteve, si dhe të kategorive të informacionit që bëhet publik pa kërkesë;
- AP-ja, gjithashtu, krijon dhe arkivon një kopje dixhitale të faqes zyrtare të tij në internet, të plotësuar me informacionin që kërkohet në programin e miratuar të transparencës, si dhe për metodat, mekanizmat dhe periodicitetin e publikimit të informacioneve publike, të cilat vihen në dispozicion të publikut, pa kërkesë;
- Aktet që përmbajnë rregulla, norma apo kufizime të të drejtave dhe lirive themelore të individit, si dhe me efekt të drejtpërdrejtë për ta, bëhen publike me anë të afishimit apo postimit në faqen zyrtare të internetit, brenda 48 orëve prej miratimit të aktit nga AP-ja.

Informacioni i publikuar sipas kësaj skeme, përditësohet sa herë ai ndryshon.

I. TABELA PËRMBLEDHËSE E PROGRAMIT TË TRANSPARENÇËS SË BASHKISË FINIQ

Kategoritë e informacionit publik pa kërkesë	Baza ligjore	Dokumenti/ Përmbajtja	Afati kohor për publikim	Mënyra e publikimit	Struktura përgjegjëse
Përshkrim i strukturës organizative, funksioneve dhe detyrave të autoritetit publik.	Neni 7/1/a/d	Vendimi për miratimin e strukture organizative të bashkisë Finiq dhe institucioneve të vartësisë. Organigrama e funksionimit të administratës	Menjëherë pas shprehjes së ligjshmërisë nga prefekti	Vendoset e plotë ose në link	Kordinatori; Drejtoria e Administratës dhe Burimeve Njerëzore
Akte ndër-kombëtare ligje;akte nënligjore; dokument politikash; dokument tjetër.	Neni 7/1/b	Ligji 8652, date 31.07.2000 "Për organizimin dhe funksionimin e qeverisjes vendore" Ligji 119/2014 "Për te drejten e informimit", Ligji 8517, date 22.07.1999, "Për mbrojtjen e te dhenave personale", Ligji 152/2013 "Për nepunesin civil", Ligji 9131, date 08.09.2003, "Për rregullat e etikes ne administraten publike", Ligji 44/2015 "Kodi i Procedurave Administrative i Republikës së Shqipërisë"			

<p>Informacion për procedurat që duhen ndjekur për të bërë një kërkesë për informim, adresën postare dhe elektronike për depozitimin e kërkesave për informim, si dhe procedurat e ankimit të vendimit përkatës.</p>	<p>Neni 7/1/c/g</p>	<p>Dokument shpjegues për procedurat që duhen ndjekur për të bërë një kërkesë për informim. Formularin-tip për kërkesë për informacion, adresën postare dhe elektronike për depozitimin e kërkesave për informim si dhe procedurat e ankimit të vendimit përkatës.</p>	<p>Menjehere pas miratimit të programit të transparencës së bashkë Finiq</p>	<p>Vendoset e plote</p>	<p>Koordinatori;</p>
<p>Të dhëna për vëndndodhjen e zyrave të autoritetit publik, orarin e punës, emrin dhe kontaktet e koordinatorit për të drejtën e informimit.</p>	<p>Neni 7/1/ç</p>	<p>Dokument me informacion të detajuar me të dhëna për vëndndodhjen e zyrave të BashkëFiniq, orarin e punës, emrin dhe kontaktet e koordinatorit për të drejtën e informimit</p>	<p>Menjehere pas miratimit të programit të transparencës së bashkë Finiq</p>	<p>Vendoset e plote</p>	<p>Koordinatori;</p>
<p>Përshkrim i procedurave të zgjedhjes, kompetencave të funksionarëve të lartë dhe procedura e ndjekjes për marrjen e vendimeve.</p>	<p>Neni 7/1/d</p>	<p>Përshkrimi i procedurave të zgjedhjes, kompetencave të funksionarëve të lartë dhe procedura e ndjekjes për marrjen e vendimeve sipa përcaktimeve të Ligjit nr.8652, date 31.07.2000, "Për organizimin dhe funksionimin e qeverisjes vendore".</p>	<p>Menjehere pas miratimit të programit të transparencës së bashkë Finiq</p>	<p>Vendoset e plote ose me link</p>	<p>Koordinatori;</p>

<i>Mekanizmat monitorues; raporte auditit; dokumentet me tregues performance</i>	<i>Neni 7/1/ dh</i>	<i>Mekanizmat monitorues, raporte auditit, dokumente me tregues performance.</i>	<i>Menjehere pas perfundimit zyrtar te kontrollit te autoritetit auditues.</i>	<i>Vendoset e plote ose me link</i>	<i>Koordinatori; Drejtoria e finances;</i>
<i>Buxheti</i>	<i>Neni 7/1/e</i>	<i>VKB "Per miratimin e Buxhetit te Bashkise Finiq"</i>	<i>Menjehere pas shprehjes se ligjshmerise nga Prefekti i Qarkut Vlorë</i>	<i>Vendoset me link</i>	<i>Koordinatori dhe Drejtoria e Finances;</i>
<i>Informacion për procedurat e prokurimit.</i>	<i>Neni 7/1/ë</i>	<i>Informacion per procedurat e prokurimit apo procedurat konkurruese te koncensionit/partneritetit publik/privat, Ligji nr. 9643, date 20.12.2006, "Per Prokurimin Publik"; Ligji nr. 125/2013 "Per koncensionet dhe partneritetin publik privat"; Regjistri i parashikimit te prokurimeve publike; Regjistri i realizimit te prokurimeve publike;</i>	<i>Menjehere pas miratimit te procedurave nga titullari i entit prokurues – Bashkia Finiq;</i>	<i>Vendoset i plote ose me link</i>	<i>Koordinatori; Njësia e prokurimeve publike;</i>
<i>Shërbimet e autoritetit për publikun.</i>	<i>Neni 7/1/f</i>	<i>Informacion per shërbimet qe autoriteti publik i jep publikut, perfshire standartet per cilesine e shërbimit.</i>	<i>Menjehere</i>	<i>Vendoset i plote ose me link;</i>	<i>Koordinatori; Drejtorite sipas shërbimeve qe ofrojne;</i>

<i>Paraqitja e mendimeve në hartimin e p/akteve, etj.</i>	<i>Neni 7/1/gj</i>	<i>Dokumentshpjegues per menyren e paraqitjes se mendimeve ne hartimin e p/akteve, etj.</i>	<i>Menjehere</i>	<i>Vendoset i plote ose me link;</i>	<i>Koordinatori;</i>
<i>Mbajtja e dokumentacionit nga Bashkia Finiq</i>	<i>Neni 7/1/h</i>	<i>Dokument shpjegues permbledhes per menyren dhe llojin e dokumentacionit qe administron Bashkia Finiq dhe menyren e shfrytezimit te ketij dokumentacioni nga publiku.</i>	<i>Menjehere</i>	<i>Vendoset i plote ose me link;</i>	<i>Koordinatori; Drejtoria e Pergjithshme e Sherbimeve Operacionale; Drejtoria e Pergjithshme e Sherbimeve Organizative;</i>
<i>Regjistri i kërkesave dhe përgjigjeve, sipas neni 8 të këtij Ligjit nr.119/2014.</i>	<i>Neni 7/1/i</i>	<i>Regjistri i kërkesave dhe përgjigjeve sipas neni 8 te Ligjit nr.119/2014</i>	<i>Menjehere</i>	<i>Vendoset i plote ose me link;</i>	<i>Koordinatori; Drejtoria e Informacionit; Sektori i protokollit;</i>
<i>Informacione dhe dokumente që kërkohen shpesh.</i>	<i>Neni 7/1/k</i>	<i>Formulare te ndryshem aplikimi.</i>	<i>Menjehere</i>	<i>Vendoset i plote ose me link;</i>	<i>Koordinatori;</i>

<i>Informacione të tjera të dobishme</i>	<i>Neni 7/1/1</i>	<i>Te gjitha vendimet e Keshillit Bashkiak; Njoftimet e punesimit me te dhena sipas percaktimeve te bera nga Ligji nr.152/2013 "Per nepunesin civil"; Informacione mbi aktivitetet e Bashkise Finiq;</i>	<i>Sipas afateve ligjore te miratimit dhe publikimit te tyre.</i>	<i>Vendoset i plote ose me link;</i>	<i>Koordinatori; Drejtoria e Administrates dhe Burimeve Njerezore; Drejtoria e Informacionit</i>
--	-----------------------	--	---	--------------------------------------	--

II. PUBLIKIMI

Në përputhje me këtë program transparence të miratuar, Bashkia Finiq vendos në dispozicion të publikut në faqen e tij të internetit [www.bfiniq.gov.al] dhe në mjediset e pritjes së publikut, kategoritë e mësipërme, në një menu të veçantë të titulluar “Programi i Transparencës”.

III. MONITORIMI

Komisioneri për të Drejtën e Informimit dhe Mbrojtjen e të Dhënave Personale monitoron zbatimin e ligjit për të drejtën e informimit, duke nxitur parimin e transparencës në punën e autoriteteve publike, veçanërisht duke sensibilizuar dhe informuar për çështje të së drejtës së informimit.

Komisioneri bën rekomandime për autoritetet publike, lidhur me konceptimin dhe zbatimin e programeve institucionale të transparencës.

KRYETARI I BASHKISË

